



RESOLUCIÓN DO 21 DE NOVEMBRO DE 2008 DA DIRECCIÓN XERAL DA FUNCIÓN PÚBLICA POLA QUE SE MODIFICA A RESOLUCIÓN DO 27 DE MARZO DE 2006 POLA QUE SE DICTAN INSTRUCIÓNS SOBRE A COBERTURA TEMPORAL DE POSTOS DE TRABALLO MEDIANTE COMISIÓN DE SERVIZOS

As organizacións sindicais, Comisións Obreiras, Unión Xeral de Traballadores e CSI-CSIF formularon unha petición de modificación da resolución de 27 de marzo de 2006 solicitando a anulación da reincorporación efectiva ao seu destino definitivo do funcionario así como a permanencia nel un mínimo de cinco días antes de que se autorice unha nova comisión de servizos.

A efectos de evitar distorsións na eficacia da prestación de servizos públicos como consecuencia da mobilidade excesiva que orixina os cambios temporais de postos de traballo na Administración Autonómica e tendo en conta que as ofertas de emprego público e os concursos de traslados se están a facer de forma regular, o que reducirá considerablemente as comisións de servizo de persoal funcionario, xustifica a necesidade de modificar algúns dos puntos da citada resolución.

Así mesmo co fin de mellorar o procedemento que regula dita instrución cómpre modificalo para permitir unha maior transparencia na información das comisións de servizo así como un mais alto grao de informatización na xestión das mesmas, sendo sen dúbida unha necesidade demandada por todos para facer efectivo o dereito a unha boa administración.

En consecuencia, esta Dirección Xeral, de acordo coas competencias que lle atribúe o Decreto 37/2007, do 15 de marzo, e a Orde da Consellería de Presidencia, Administracións Públicas e Xustiza de 12 de agosto de 2005, e co informe favorable da Comisión de Persoal,

RESOLVE

Primeiro: Suprimir o apartado 2 do punto cuarto da Resolución do 27 de marzo de 2006, quedando redactado como segue:

Para a comisión propoñerase, preferentemente, a persoal do mesmo centro directivo no que exista a vacante.

Segundo: Modificar os apartados 1 e 4 do punto sétimo da Resolución do 27 de marzo de 2006, quedando redactados como segue:

1. Con anterioridade a que se remita a proposta para a tramitación, darase publicidade durante un prazo de 5 días na páxina web da Dirección Xeral da Función Pública do/s posto/s que se pretende cubrir mediante comisión de servizos.



XUNTA DE GALICIA
CONSELLERÍA DE PRESIDENCIA,
ADMINISTRACIÓNS PÚBLICAS E
XUSTIZA
Dirección Xeral da Función Pública

Edificio Administrativo San Caetano, 1-2º
15771 SANTIAGO DE COMPOSTELA
Telf. 981 54 52 27 Fax 981 54 52 25

Esta publicidade farase a través dunha aplicación informática que será facilitada pola Dirección Xeral da Función Pública a fin de dar publicidade a todos os postos que se cubran en comisión de servizos.

4. A comisión non poderá ter efectos anteriores á finalización do prazo ao que se refire o apartado 1.

Terceiro: Suprimir o punto noveno da Resolución do 27 de marzo de 2006.

Santiago de Compostela, 21 de novembro de 2008
A directora xeral da Función Pública



M^a del Mar Rodríguez Fernández